

NA FIN DI MEI SANTANA NA SABANA BASORA LO KEDA CLA


ORANJESTAD(AAN) -- Manera DIARIO a publica den forma di primicia, actualmente no tin lugar pa dera hende den santana na Playa.

Ta masha hopi trabao e agencianan di funeraria ta

pasa pa haya un lugar den otro santananan.

Relaciona cu esaki DIARIO a haci un investigacion y a resulta cu na Sabana Basora lo construi un santana central.

Na principio di Februari e



trabaonan pa construi e santana a cuminsa. Ta ser estima cu na final di Mei 1993 e santana lo keda cla y lo alivia e situacion actual na e santana catolico na Oranjestad.

Manera DIARIO a publica caba, e trabaonan cu ta worde haci na e santana ta encera ponemento di un cura, rosa paden di e santana, rosa e lugar pa staciona auto, midimento di caminda y parkinglot pa asina asfalta esakinan.

Ta intension tambe pa ac-

erca tur e agencianan di funeraria pa asina mira con lo bay construi un kapel. E motibo cu kier construi un kapel ta pa evita tur e transportacion di misa te na e santana. Di e forma aki tur e procedura pa cu entiero ta bira mas facil.

Mirando e hecho cu ta trata aki di un santana nobo, lo ta bon pa sondea e posibilidad pa haci e kapel completamente airco.

E duracion di e promer fase di e proyecto cu ta encera un tereno di mas o menos 10 Mil

meter cuadra, lo ta mas o menos 15 siman. Supervision di e trabaonan ta den man di e Direccion di Obras Publicas.

DIARIO tin etendi cu tin partinan di e tereno cu ta hopi duro y esaki ta trece cune cu mester construi kelder ariba tereno. Tambe tin partinan caminda e tereno no ta duro y cu ta brinda e facilidad pa caba.

Lo ta bon pa reuni cu e agencianan di funeraria pa asina tur cos den e santana aki bay hopi organisa.